



UNIVERSITÄTS-
BIBLIOTHEK
PADERBORN

Universitätsbibliothek Paderborn

Metropolis Salisbvr gensis

Continens Fvndationes Et Erectiones Monasteriorvm, Et Ecclesiarum
Collegiatarum, &c. per Boiariam, ac loca quædam vicina

Hund, Wiguleus

Monachii, 1620

Copia Instrvmenti Postvlationis Ser[enissi]mi Boiariae Ducis Ferdinandi: de
qua supra mentio fuit facta.

urn:nbn:de:hbz:466:1-13578

IACOBVS PITRICH.

38. Præpositus 38. per compromissum electus, qui nunc præest etiam. Quo viuo in Coadiutorem postulatus Sereniss. Princeps *Ferdinandus* junior vtriusq; *Bauariæ* Dux.
Obiit idem *Iacobus Pitrich* anno 1594. in mense Decembri.
39. Mortuo *Iacobo Pitrich* successit in regimen prædictus Serenissimus Princeps *Ferdinandus* junior, Comes Palatinus Rheni, vtriusq; *Bauariæ* Dux, Coadiutor Archiepiscopatus & Electoratus Colonienfis, & Administrator Ducalis Berthegadenfis Pontificia & Imperatoria autoritate confirmatus. Cuius Serenitati DEVS OPT. MAX. felix regimen tribuat, eamq; diutissimè saluam & incolumen conferuet.

Ex hac successionis linea præcipuè notandum.

Petrum *Pienzenauer* Præpositum 29. per *Bonifacium* Papam IX. confirmatum fuisse; atq; *Conradum Tanner* Præpositum 20. suffragiis Sedis Apostolicæ conatus Canonicorum & Prouincialium repressisse. Item *Fridericum Ellinger* Præpositum 10. Archidiaconatum *Romæ* obtinuisse pro se & successoribus suis, anno Domini 1213. Deinde *Henricum* Præpositum tertium Archiepiscopatum *Salsib.* administrasse. Et *Ioannem Saxonem* Præpositum similiter.

COPIA INSTRUMENTI POSTVLATIONIS SER^{MI}

Boiariæ Ducis Ferdinandi: de qua supra mentio fuit facta.

Nos *Iacobus* Dei gratia Præpositus & Archidiaconus Monasterij in *Berchdesgaden* ord. S. *Augustini*, Canonicorum Reg. Decanus & Capitulum ibidem, testamur in verbo veritatis, & notum facimus, quod nos vigore nostrorum priuilegiorum, atque iustis & legitimis de causis animum nostrum mouentibus, & vrgentibus, adhibito maturo iudicio & consilio, vnanimi voto & consensu, in Coadiutorem postulauerimus, & futurum Præposituræ *Berchdesgaden.* successorem, Serenissimi *Bauariæ Ducis Wilhelmi*, Domini nostri clementis, filium *Ferdinandum*: sicut eum ipsum tenore præsentium postulamus, ac postulatam velumus, pro vt de iure, vel consuetudine melius potest, non obstante cuiuscunque contradictione, contra liberam nostram eligendi, seu postulandi facultatem, prætensa.

Quam quidem postulationem nostram, vt idem commemoratus Princeps *Ferdinandus*, & gratiosissimè acceptare, & confirmationem eius nobiscum impetrare dignetur, maiorem in modum rogamus. Ea tamen conditione, vt postulatus Illustriss. Princeps supradictus, sub spe Regularis professionis quandoque faciendæ, interim Coadiutoriam non per extraneas personas substitutas, sed per aliquem Canonicum Religiosum hic professum, administret, si per se ipsum non commodè potest: vtq; in omnibus, quoad eius fieri potest, morem seruare studeat antiquum in administratione eiusdè. Qua si deinceps liberare se velit, nulli alteri quouis titulo eam conferat, sed pleno iure Capitulo iterum resignet. In cuius rei fidem, ac testimonium hoc nostræ postulationis scriptum, subscriptione cuiuslibet nostrum, & sigillorum nostrorum appensione, muniri fecimus. Actum in nostro *Berchdesgaden*, die vicesimo septimo Mensis Iunij, Anno salutis nostræ M. D. XCI.

Iacobus Præpositus & Archidiaconus.

Iohannes Marquardus Anfang. Canonicus & Decanus.

Ioannes Benedictus à Perfall.

Ioannes Mairhofer Senior,

Sebastianus

Sebastianus Heller Subsenior.
 Degenhardus Neuhinger Parochus.
 Ioannes Christophorus Otto.

Litem mouerat Archiepiscopus Salisburgens. Wolfgangus Theodoricus, super Præpositura Berchtesgadenst. volens eam sibi subijcere. suiq. juris facere. verum causa hac in Curia Romana aliquandiu agitata, & discussa hinc inde partium juribus, Sum. Pont. Clemens VIII, finem imposuit, & Archiepiscopi postulata rejecit prout sequitur.

Clemens Episcopus Seruus Seruorum Dei. Dilectis filiis Frisingen. & Ratisponen. Officialibus, Salutem & Apostolicam benedictionem. Significarunt nobis dilecti filij Præpositus & Conuentus monasterij sedis apostolicæ immediatè subiecti, per Præpositum gubernari soliti sancti Petri in Berchtesgaden, ord. sancti Augustini canonicorum regularium Nullius seu Salzburgen. dioc. quod nonnulli iniquitatis filij quos prorsus ignorant census, terras, dominos, possessiones, bona mobilia & immobilia, scripturas & jura, nec non pecuniarum summas auri & argenti quantitatem domusque suppellectilia magni momenti ad dictum monasterium legitime spectantia subtraxerunt & temerè occuparunt, eaque malitiosè occultare ac occultè & indebitè detinere præsumperunt & præsumunt, ex quo prædicto monasterio graua damna valorem quinquaginta ducatorum excedentia nequiter intulerunt in animarum suarum periculum & dicti monasterij non modicum detrimentum. Super quo iidem significantes apostolicæ sedis remedium implorarunt. Quocirca discretioni vestræ filij officiales per apostolica scripta mandamus quatenus vos quilibet vestrum videlicet in suis ac eiusdem venerabilis fratris nostri Archiepiscopi Salzburgen. interesse agatur in Salzburgen. ciuitatibus & dioc. si causa diligenter & magna maturitate per vos examinata pro rei, loci, temporis, & personarum qualitatibus vobis pro vestra conscientia videbitur expedire, omnes huiusmodi bonorum detentores & illorum celatores aut aliàs scientiam habentes ac damnorum illatores occultos ex parte vestra publicè in ecclesiis coram populo per vos vel alium seu alios moneatis vt infra competentem terminum quem eis præfixeritis ea prædicto monasterio à se debita detentores quidem & occupatores restituant, occultatores verò ac illa scientes reuelent. Et si id non adimpleuerint infra alium competentem terminum quem eis ad hæc duxeritis peremptoriè præfigendum ex tunc in eos generalem excommunicationis sententiã proferatis, eamq. faciatis vbi, quando & quoties expedire videritis vsque ad satisfactionem condignam & reuelationem debitam solenniter publicari, volumus autem quod ea reuelatione huiusmodi si eam fieri contingat non possit nisi pro civili interesse & ciuilitè tantum agi, & aliter reuelatio ipsa neque in iudicio neque extra iudicium fidem faciat. Datum Rome apud Sanctum Petrum, Anno incarnationis Dominicæ Millesimo quingentesimo nonagesimo. Non. Aprilis. Pontificatus nostri anno primo.

Leonard à Bodrigno

H: Cenenus

A Hurandus.

I Bucca.

IN NOMINE DOMINI AMEN. Anno à natiuitate eiusdem Millesimo quingentesimo nonagesimo tertio, indictione sexta, die lunę decima quarta Iunii, Pontificatus sanctissimi in Christo Patris & Domini nostri, Domini Clementis, Diuina prouidentia Papæ octauis, anno secundo, mane circa horam quintam, in choro summæ Ecclesię in Berchtesgaden, ante peragenda & celebranda sollemnem publicationem Breuis Apostolici ad Ser. mum & Re. mum Prin-